



Statens vegvesen

Sogn og Fjordane fylkeskommune
Askedalen 2
6863 LEIKANGER

Behandlande eining:
Region vest

Sakshandsamar/telefon:
Eli Marita Vik Næss / 57655744

Vår referanse:
15/223941-3

Dykkar referanse:

Vår dato:
07.11.2016

Gjennomføring av plan for rehabilitering av tunnelar på fylkesvegnettet i Sogn og Fjordane

Vi viser til vedtak i Fylkestinget i møte 8.desember 2015 saksnr. 54/15, Plan for rehabilitering av tunnelar på fylkesvegnettet.

Vedlagt følger prioritert gjennomføringsplan for perioden 2016–2024, jf. arkfane 1 Gjennomføringsplan etter tunnelsikkerhetsforskrifta (TSF).

Planen er oppdatert i forhold til styringsmøte med fylkeskommunen 21.oktober. Oppfølgingspunktene går fram av e-post sendt til fylkeskommunen av 7.november. Denne ligg vedlagt.

Det er lagt opp til gjennomføring av tiltak etter ambisjonsnivå C, med ei kostnadsramme på 1,4 mrd 2014-kroner omrekna til ca.1,5 mrd 2016-kroner, jf. pkt. 1 og 2 i FT-vedtaket. Vi gjer merksam på at alle kostnadsoverslaga i arkfane 1 kun er justerte for prisstigninga. Det er ikkje gjort nye kostnadsvurderingar i forhold til grunnlagsmaterialet som låg til grunn for vedtaket.

Fv. 613 Blaksetunnelen og fv.303 Seimsdalstunnelen er halden utanfor den prioriterte gjennomføringsplanen, og det vert lagt opp til at desse vert vurderte i samband med rullering av regional transportplan, jf. pkt. 3 i FT-vedtaket.

I pkt. 5 i FT-vedtaket står det at prioriteringslista i vedlegg 1 skal vera førande for rekkjefølgja for gjennomføring av planen. Dette let seg vanskeleg gjennomføre fordi vi må ta praktiske omsyn i forhold til blant anna trafikkavvikling. Vi må for eksempel unngå at fleire vegar i same området får redusert framkomst samtidig. Det er ønske om å gjere seg ferdig med ei rute, før ein går i gang med neste rute. I prioriteringslista i vedlegg 1 vart kvar tunnel vurdert for seg. No når vi har laga tiltaksplanen så er dei ulike tunnelane vert vurdert opp mot kvarandre. Dette er årsaka til at prioriteringa av prosjekta er endra.

Postadresse
Statens vegvesen
Region vest
Askedalen 4
6863 LEIKANGER

Telefon: 02030
firmapost-vest@vegvesen.no
Org.nr: 971032081

Kontoradresse
Askedalen 4
6863 LEIKANGER

Fakturaadresse
Statens vegvesen
Landsdekkende regnskap
9815 Vadsø

Vi er innforstått med at framdrift i rehabiliteringa er avhengig av årlege budsjettløyvingar, jf. pkt. 7.

Merknader til enkelte tunnelar

Timreskredtunnelen – det vart her utført mykje arbeid for eit par år sidan. Dette vart gjort før det var vedteke at tunnelsikkerheitsforskrifta også skulle gjelde for fylkesvegar. Difor er tunnelen ført opp igjen med arbeid knytt til tunnelsikkerheitsforskrifta.

Naustbukttunnelen – Står i vedlegg 1 i FT-vedtaket oppført med eit behov for midlar på 0. Det er no ført opp 1 mill.kr til fortetting av evakueringslys som ikkje var med i behovslista.

Kvernhaugtunnelen – Det var her meldt inn eit behov på 10 mill.kr i nivå C. I samband med budsjettet for 2016 vart det meldt inn eit totalbehov på 25,7 mill.kr. Dette gjeld midlar til utbetring etter tunnelsikkerheitsforskrifta og til vedlikehaldstiltak. Kostnadsoverslaget var i utgangspunktet dårleg kvalitetssikra. Difor vart overslaget endra.

Bermålstunnelen – Kostnadsoverslag er her auka frå 70 som innmeldt behov i vedlegg 1 til 86 mill.kr. Årsaka til dette er at overslaget er auka med kostnader til brannsikring av PE-skum.

Gjennomføringsplanen må sjåast på som ein dynamisk plan som kan verta endra på bakgrunn av ny kunnskap og naudsynte praktiske grep som må gjerast under vegs.

Vegavdeling Sogn og Fjordane
Med helsing

Svenn Egil Finden
avdelingsdirektør

Eli Marita Vik Næss

Dokumentet er godkjent elektronisk og har difor ingen handskrivne signaturar.